

МЕСЯЦА ФЕВРАЛЯ 17-Й ДЕНЬ.

СВЯТАГО ВЕЛИКОМУЧЕНИКА ФЕОДОРА ТИРОНА

На Господи, возвах: стихиры на 6, глас 2.

Подобен: Егда от Древа:

Дар Христос богатотворен ты вселенней подаде, * яко Благодетель Бог, * дар твой, честную кровь, Феодоре, * Того ради излиянную * и Богочестия ревностию приносимую Ему, прием. * Емуже ныне благочестным дерзновением, мучениче, предстоя, * вся, иже к тебе притекающая, спасай.

Столп еси тверд, сопротивных нашествия отрезая, * поборник непобедим хвляющим ты, * скорейшее заступление, теплое предстательство, * тщательное избавление, общая помощь, * молитвенник сильнейший, блаженне, * избавитель готовейший, * всем, верно молящим ты, Феодоре.

Имея поток сладости и оставления воду * Христа Благопременителя, * свидетель истиннейший Того быв, * потоков избави мя греховных, * воду ми утиши непостоянную, * устави напастей бури, * управи к Вышней тишине, достоблаженне Феодоре.

Ины стихиры, глас 4.

Подобен: Яко добля:

Ревностию Божественною движим * и душою распалаяемь, любовию, славне, Спаса Христа, * с храмом попалил еси богиню лжеименную, * Владыки и Бога возвещающая имя, * и посрамил еси мучителей шатания, страсотерпче, * и радости вечней * сподобился еси, Феодоре.

На высоту, Феодоре, Христова разумения возшед, * претекл еси видимая, * и Сего токмо взыскал еси, * и, обрет, возлюбил еси, * и доблественною душою Того ради пострадал еси. * Егоже моли от тли и бед избавитися * верою творящим * преславную память твою.

Богодарованною силою, * страсотерпче Феодоре, * и подвижными ранами обложен, * Царю всея твари предстал еси, Христу Богу, * венцы от Него почести приемля. * Егоже моли * от тли и бед избавитися * верою творящим * преславную память твою.

Слава, глас 6.

Самогласен: Священия дар и богатство Божественныя жизни * явился еси миру, Феодоре, * Христос бо твою, мудре, память прослави, * в нейже согласно, вернии, радуящися, поем * подвиги болезней твоих.

И ныне, Богородичен или Крестобогородичен.

Подобен: Всю отложивше:

Оружие, якоже рече Симеон, сердце Твое пройде, * Пречистая Владычице, * егда узрела еси из Тебе возсиявшаго * неизреченным словом, * от незаконных яко осуждена возносима на Крест, * оцтом и желчию напаяемаго, * ребра же прободаема, * и руце и нозе пригвождаемы * и, рыдающе, восклицала еси, матерски вопиющи: * что сие, Чадо сладчайшее, новое таинство?

На стиховне Октоиха.

Слава, глас 8:

Самогласен: Страдальческим мужеством благочестно вооружився, страсотерпче Христов, * и словесней службе тайно споборя силою Его, * идольское злочестие и мучительское прещение немощно показал еси, * нерадив о муках и временнем огни. * Но, о, Божественных даров! и вещь, и имя, * от всякаго обстояния молитвою твоею спасай * совершающия память твою.

И ныне, Богородичен или Крестобогородичен:

Подобен: О, преславнаго чудесе!

Юница нескверная, * Юнца видящи на Древе, * пригвождаема волею, * рыдающи жалостне,— * увы Мне,— вопияше,— любимейшее Чадо: * что Ти сонм воздаде безблагодатный еврейский, * хотя Мя обезчадствовати * от Тебе, Вселюбезне?

Тропарь, глас 2:

Велия веры исправления, * во источнице пламене, яко на воде упокоения, * святыи мученик Феодор радовашеся: * огнем бо всесожегся, * яко хлеб сладкий Троице принесеся. * Того молитвами, Христе Боже, спаси души наша.

НА УТРЕНИ

Оба канона Октоиха и святого, на 6. Канон (егоже краегранесие: Призывающия тя спасай, всеблаженне). Глас 8.

Песнь 1

Ирмос: Воду прошел, яко сушу, * и египетскаго зла избежав, * израильтянин вопияше: * Избавителю и Богу нашему поим.

Божественным подвигом, мучениче Христов, подвигся и течение скончав, * веру соблюл еси Божественную, * правды обрел еси венец.

Преестественну славу от Христа приим, страстотерпче, * землю всю обходиши, избавляя вся, * верою с благоговением к тебе притекающия.

Небесный, славне, ликовник, со безплотными сый, * на земли призывающих тя от бед и напастей избавляй.

Богородичен: Премудрость и Слово Отчее несказанно рождающая, * души моя лютую исцели язву и сердца болезнь укроти.

Песнь 3

Ирмос: Ты еси утверждение притекающих к Тебе, Господи, * Ты еси свет омраченных, * и поет Тя дух мой.

Огонь мучений тя не утраши, * темже огонь напастей к тебе прибегающим * утишаеши, Феодоре.

Избави молитвами твоими одержавшая мя печали, мучениче Христов, * все углаждающая житейское стропотство.

Все сердце мое и помышление простираю к тебе и душу, * твоя, страстотерпче, помощи требую.

Богородичен: Устави непостоянное помышлений моих смущение, Мати Божия, * еже к Сыну Твоему направляюща движение.

Седален, глас 4.

Подобен: Вознесыйся:

Мученическими добротами украшен, * Царю Небесному, мучениче, радуясь, венценосец предстоиши, Феодоре: * на крест бо воздвиген был еси Его ради * и гвоздей пригвождение, * и воловых жил, и ногтей, и очных зениц извержение * претерпел еси твердо. * Темже ты верою почитаем, превеликий.

Слава, и ныне, Богородичен.

Подобен тойже:

Иже на престоле Херувимстем сядя, * и в недрах Отчих водворяясь, * яко на престоле святем сedit Своем, Владычице, в недрах Твоих; * воплощься бо, Бог воистинну, * воцарися над всеми языки, * и разумно ныне поим Ему. * Егоже умоли спастися рабом Твоим.

Крестобогородичен:

Иже от Безначальнаго Отца рожденнаго, * напоследок Тя плотию рождающая, * на Кресте висяща, зрящи, Христе, * увы Мне, любезнейший Иисусе, вопияше: * како славимый яко Бог от Ангел, * от беззаконных ныне человек, Сыне, хотя распинаешися? * Пою Тя, Долготерпеливе.

Песнь 4

Ирмос: Услышах, Господи, * смотрения Твоего таинство, * разумех дела Твоя * и прославих Твое Божество.

Правителя тя предлагаю, Божий угодниче, * ты мя управи ветрилом Духа и Божественными ветры, преславне.

От всякаго, молимся, избави прещения, всеблаженне Феодоре, * ты верою блажация и Божественную память твою почитающия.

Ни живот, ни смерть, ни настоящая, ни грядущая, * ни огонь, ни раны, от Христа, Богомудре, отлучиша тебе.

Богородичен: **П**од летом бывша, от Отца безлетно возсиявшаго, * Богомати нам родила еси, * Егоже моли спасти поющия Тя.

Песнь 5

Ирмос: **У**треннююще, вопием Ти: * Господи, спаси ны, * Ты бо еси Бог наш, * разве Тебе, иного не вемы.

Мучеников быв удобрение, мучениче Христов, * верных помощь буди и стена нерушима.

Единения наслаждайся лучшаго, яже паче ума благих, * Феодоре, ты чтущия спаси.

Побеждаемь любовию Зиждителя, * житейская оттрясл еси пристрастия * и Богу благоугодил еси.

Богородичен: **Е**гоже родила еси, Дево Всенепорочная, Бога Слова, * прилежно моли о нас, поющих Тя.

Песнь 6

Ирмос: **О**чисти мя, Спасе, * многа бо беззакония моя, * и из глубины зол возведи, молюся: * к Тебе бо возопих, и услыши мя, * Боже спасения моего.

Поборник сый благочестия теплейший и прелести обличитель идольския быв, * демонов мечтания и страстей образы души моя потреби.

Утверждение ми буди и стена, мучениче, непобедима, * немощь и гнилость ума моего утверждая, Феодоре, твоими предстательствы * и сохраняя невредно.

Воинства тлетворнаго и тленнаго отрекся еси, * воинство же жизни, всеблаженне Феодоре, до конца возлюбил еси, * в немже победоносец показался еси, досточудне.

Богородичен: **В**озсия от Сиона Вышняго благолепие * приятием плоти по соединению неизглаголанному, * из Тебе, Неискусобрачная, одеявся, и мир просвети.

Кондак, глас 8:

Веру Христову, яко щит, внутрь приим в сердце твоём, * противныя силы попрах еси, многострадальче, * и венцем Небесным венчался еси вечно, Феодоре, * яко непобедимый.

Икос: **Н**а престоле света носимаго, благодарственно верою воспеваем тя, * яко дарование Божественное даровал еси – добляго во страдании Феодора, в житии треблаженнаго, * яко поборника сущаго истины, * благочестивым помыслом Тя желающа, Христе, * крепка победителя на лъстиваго, * яко непобедимый.

Песнь 7

Ирмос: **О**т Иудеи дошедше, отроцы * в Вавилоне иногда, * верою Троическою пламень пещный попраша, поюще: * отцев Боже, благословен еси.

Тя, живота моего предстателя, * и заступника имам спасения моего, * и хранителя, Богомудре, * утверждение дающа верою зовущим: * отец наших Боже, благословен еси.

Яко красно закование сам себе Господеви и священнейшее привел еси, всеблаженне, * и огнем мучений всесожегся еси, славне, вопия: * отец наших Боже, благословен еси.

Животнаго вдохновения насыщаяся, блаженне, * Божественнаго Духа, * духи отгоняеши, недуги исцеляеши и зовещи, радуясь: * отец наших Боже, благословен еси.

Богородичен: **И**з утробы Твоя пройде, воплощься, всяческих, Дево, Господь. * Тем Тя, Богородицу, мудрствующе православно, Сыну Твоему взываем: * отец наших Боже, благословен еси.

Песнь 8

Ирмос: Седмерицею пещь * халдейский мучитель * Богочестивым неистовно разжже, * силою же лучшею спасены, сия виде, * Творцу и Избавителю вопияше: * отроцы, благословите, * священницы, воспойте, * людие, перевозносите во вся веки.

Всяческими, прехвальне, треволнении окружаеми и напастьми житейскими содержиими, * предстателя скорейша, и помощника, и споборника, * вси вернии, ты молитвенника Владыце приводим, вопиюще: * не престай молити о воспевающих всечестную твою память.

Греховными веригами связан, пребогате, * и прегрешений моих пленицами окован, * прибегаю к покрову твоему, венценосче, разрешения прося, * но яко чудно ко Владыце всех, Богомудре, дерзновение имея, * моли спастися Христа поющим во веки вся.

Мученическими светлостями просвещен, всехвальне, Ангельским счислился еси чином, * с нимиже радуясь и сликуя, мучениче, присно, * чудотворными исцелении уясняеши любовию ты чтущия и верно поющия: * людие, перевозносите Христа во веки вся.

Богородичен: **П**лотию приобщися к человеку, яко Благоутробен, * Содетель и Творец твари, из Тебе, Неискусобрачная Богородительнице, сию прием: * темже Богородицу, вернии, Тя истинно славим, вопиюще и верно поюще: * людие, перевозносите Христа во веки вся.

Песнь 9

Ирмос: **Т**я, Неискусобрачную Матерь Бога Вышняго, * Тя, паче ума рождающую словом воистинну Бога, * вышшую пречистых Сил, * немолчными славословении величаем.

Бодра ты хранителя, великомучениче, стяжавше, врагов злоумие удобь отгоняща * и Церквам подающа мир, стратотерпче, непрестанно ублажаем.

Крепость тебе на демоны дарова Владыка, * страсти же души и телесе исцеляти, блаженне, * всеблагочестивейшим дерзновением, моляся Спасу, * темже ты вси ублажаем.

Зарю Трисолнечную и единственную созерцай, Едино в Трех Божество, * и начало пренавальное, и источник благости, стратотерпче, ты поущия сохраняй.

Богородичен: Изми мя, Всенепорочная, мысленнаго пленения, * избавление воздаючи, Владычице, Сына Твоего распятие, * еже за всех бывшее, избавление, и мир, и спасение поющим Тя.

Светилен.

Подобен: Небо звездами:

Искусився, якоже злато, огнем и муками, * достоин явился еси дар Бога Вышняго, * Феодоре страстотерпче, о нас ныне молися.

Богородичен: Державным Твоим покровом от врагов навета нас, Чистая, Твоя рабы, сохрани вся невредимы, * Тя бо стяжахом, Едину прибежище в нуждах.

На стиховне, стихиры Октоиха.

Слава, глас 2:

Божественных даров тезоименита тя, треблаженне, почитаю, Феодоре: * света бо Божественнаго незаходимое светило явлься, * просветил еси страданьми твоими всю тварь, * и, огня крепчайший явився, пламень погасил еси, * и льстиваго змия главу сокрушил еси. * Темже во страданиях твоих Христос приклонився, * венча Божественную главу твою, великомучениче страдальче. * Яко имея дерзновение к Богу, * прилежно молися о душах наших.

И ныне, Богородичен или Крестобогородичен.

Подобен: Егда от Древа:

Грозд всезрелый, Чистая, * Егоже невозделанно во утробе носила еси, * на Древе яко узре, Сего повешена, * рыдаючи, восклицаше и взываше: * Чадо, сладость искапай, * еюже отыметя пиянство всякое страстей, * Благодетелю, Мене ради, Тебе рождшия, * Твоим благоутробием умоляемь.

НА ЛИТУРГИИ:

Блаженны Октоиха на 4 и святого песнь 3-я, на 4.

Огнь мучений ты не утрати, * темже огнь напастей к тебе прибегающим * утишаеши, Феодоре.

Избави молитвами твоими одержавшия мя печали, мучениче Христов, * все углаждай житейское стропотство.

Слава: Все сердце мое и помышление простираю к тебе и душу, * твоя, страсотерпче, помощи требую.

И ныне: Богородичен: Устави непостоянное помышлений моих смущение, Мати Божия, * еже к Сыну Твоему направляющи движение.

Тропарь святого, глас 2:

Велия веры исправления, * во источнице пламене, яко на воде упокоения, * святыи мученик Феодор радовашеся: * огнем бо всесожегся, * яко хлеб сладкий Троице принесися. * Того молитвами, Христе Боже, спаси души наша.

Кондак святого, глас 8:

Веру Христову, яко щит, внутрь прием в сердце твоём, * противныя силы попрал еси, многострадальче, * и венцем Небесным венчался еси вечно, Феодоре, * яко непобедимый.

Прокимен, глас 7: Возвеселится праведник о Господе * и уповает на Него.

Стих: Услыши, Боже, глас мой, * внегда молити ми ся к Тебе.

Апостол к Тимофею, зачало 292.

Чадо Тимофее, возмогай во благодати, яже о Христе Иисусе, и яже слышал еси от мене многими свидетели, сия предаждь верным человеком, иже довольни будут и иных научити. Ты убо злопостражди яко добр воин Иисус Христов. Никтоже бо воин бывая обязуется куплями житейскими, да воеводе угоден будет. Аще же и пострададет кто, не венчается, аще не законно мучен будет. Трудяющемся делателю прежде подобает от плода вкусити. Разумей, яже глаголю: да даст убо тебе Господь разум о всем. Поминай Господа Иисуса Христа воставшаго от мертвых, от семени Давидова, по благовествованию моему, в немже злостражду даже до уз, яко злодей, но слово Божие не вяжется. Сего ради вся терплю избранных ради, да и тии спасение улучат еже о Христе Иисусе, со славою вечною.

Аллилуия, глас 4: Праведник, яко финикс, процветет, * и, яко кедр, иже в Ливане, умножится.

Стих: Насаждени в дому Господни, * во дворех Бога нашего процветут.

Евангелие от Иоанна, зачало 52.

Рече Господь Своим учеником: сия заповедаю вам, да любите друг друга. Аще мир вас ненавидит, ведите, яко Мене прежде вас возненавиде. Аще от мира бысте были, мир убо свое любил бы, якоже от мира несте, но Аз избрах вы от мира, сего ради ненавидит вас мир. Поминайте слово, еже Аз рех вам: несть раб болий господа своего. Аще Мене изгнаша, и вас изженут, аще слово Мое соблюдоша, и ваше соблюдут. Но сия вся творят вам за имя Мое, яко не ведят Пославшаго Мя. Аще не

бых пришел и глаголах им, греха не быша имели, ныне же вины не имут о гресе своем. Ненавидяй Мене, и Отца Моего ненавидит. Аще дел не бых сотворил в них, ихже ин никтоже сотвори, греха не быша имели, ныне же и видеша, и возненавидеша Мене и Отца Моего. Но да сбудется слово, писанное в законе их, яко возненавидеша Мя туне. Егда же приидет Утешитель, Егоже Аз пошлю вам от Отца, Дух истины, Иже от Отца исходит, Той свидетельствует о Мне. И вы же свидетельствуете, яко искони со Мною есте. Сия глаголах вам, да не соблазнитесь. От сонмищ ижденут вы, но приидет час, да всяк, иже убьет вы, мнится службу приносити Богу.

Причастен: В память вечную будет праведник:

СВЯТОЙ ВЕЛИКОМУЧЕНИК ФЕОДОР ТИРОН († ок. 306)

Святой великомученик Феодор Тирон († ок. 306) особо почитается Церковью за исполнение слов Спасителя «Не о хлебе едином жив будет человек, но о всяком глаголе, исходящем из уст Божиих» (Мф. 4, 5). Святой Феодор, живший в III – начале IV в., был христианином и служил воином в г. Амасии в Малой Азии. В то время нечестивые цари Максимиан и Максимин разослали по всей области повеление всем христианам вкушать от идольских жертв, угрожая при отказе преданием суду. Когда святого Феодора привели для исполнения этого повеления в полк, он, как истинный воин Христов, исполненный Духа Святого, воскликнул: «Я – христианин и не могу приносить жертвы богам нечестивым, имея истинного Бога и Царя – Иисуса Христа на Небе». На требование принести жертву богам по воинской обязанности святой Феодор отвечал: «Каждый знает, кому он служит, а я служу только Царю моему Христу и никакому иному богу служить не могу». После многих уговоров сотник оставил Феодора на несколько дней для размышления. Эти дни святой провел в молитве, непрестанно вознося похвалу Господу. Когда же нечестивые служители вели других христиан за исповедание Христа в темницу, святой Феодор шел за ними вслед, наставляя их на путь спасения и укрепляя в терпении, дабы не отрекались они от Христа. Воспользовавшись ночным временем, святой Феодор зажег капище языческой богини. Нашлись люди, которые видели это и донесли на него градоначальнику. Тот привел святого Феодора к игемону Публию со словами «Господин! Этот человек пагубный, он обесчестил наших богов и сжег храм наш». Тогда игемон обратился к святому Феодору: «Тебе было велено принести жертву и каждение богам, ты же принес огонь богине нашей» – «Не отрекаюсь, – сказал святой, – я зажег храм, чтобы увидеть, что огонь прикасается к богине вашей и опалает ее, потому что она камень!» Разгневанный судья приказал бить святого Феодора, сказав ему: «Так отвечаешь дерзостно на кроткие слова мои, не повинешься мне – тебя ждут за это лютые муки!» – «Не боюсь ни тебя, ни мук твоих, даже самых лютых, делай со мной, что хочешь. Надежда на грядущее благо от Бога укрепляет меня, дерзаю надеяться на венец от Господа моего; тут побои непосильные – для меня не муки. Пред моим лицом – Господь и Царь мой Иисус Христос. Он избавляет меня, а ты Его не видишь, потому что не можешь видеть умными очами». Судья, исполнившись ярости, повелел бросить святого в тюрьму, запечатать двери и уморить голодом. Вверженный в темницу, святой Феодор питался от Духа Святого. Ночью Сам Господь явился ему и сказал: «Я с тобой, дерзай, Феодор, не принимай ни пищи, ни питья земного и получишь жизнь Вечную со

Мной на Небе». С этими словами Господь отошел, а святой Феодор стал петь и радоваться, и его окружили Ангелы.

Стража, услышав чудное пение и найдя двери запертыми, увидела в окнах множество юношей в белоснежных ризах, поющих вместе со святым Феодором, и донесла об этом игомону. Публий убедился, что темница заперта, и услышал пение. Решив, что к Феодору проникли христиане, повелел воинам окружить темницу, сам отпер дверь и вошел к святому, но не нашел никого, кроме связанного мученика Христова. Тогда на игомона и на всех бывших с ним напал страх и ужас. Выйдя из темницы, Публий повелел давать святому Феодору малое количество хлеба и воды, но святой не дотронулся до пищи. Поутру святой мученик был приведен на судилище, и опять судья сказал ему: «Послушай меня, без мук и казни вкуси от жертвы идола и будешь с нами». Святой Феодор, взглянув на мучителя, осенил себя крестным знаменем и сказал: «Если ты сожжешь мое тело огнем, растерзаешь на куски, иссечешь мечами, бросишь зверям, пока во мне есть дух – не отвергнусь Имени Христа моего». Мучитель повелел повесить святого на древо и строгать его тело железными когтями, пока не обнажились кости мученика, который по-прежнему оставался твердым и возносил хвалу Господу. На новый призыв игомона принести жертву святой мученик отвечал: «Нечестивый сын диаволов, не боишься ли ты Господа, принуждая меня оставить Бога Живаго и поклониться камню?» Судья долго молчал, затем опять спросил святого: «Что хочешь: быть с нами или со Христом твоим?» – «Со Христом моим и есть и буду, а прочее твори как хочешь!» – воскликнул с радостью святой Феодор. Тогда игомон повелел предать его огню. Когда святого привели на место смертное, он осенил себя крестным знаменем. Вокруг него развели огромное пламя, но Дух Святой прохлаждал мученика, и святой Феодор, хваля и славословя Господа, мирно предал Ему дух свой. Люди видели, как душа его, подобно молнии, вознеслась к Небесам. Некая благочестивая жена Евсевия взяла тело мученика, помазала его благовонным миром, обвила чистой плащаницей и погребла во граде Евхайтах Амасийских. Произошло это 17 февраля около 306 года.

За свой подвиг великомученик удостоился от Бога благодати укреплять к перенесению поста и предохранять от осквернения через пищу.

Церковь совершает особое празднование ему в дни Великого поста в память о следующем событии.

Император Юлиан Отступник (361–363), желая надругаться над христианами, приказал в первую седмицу Великого поста все продукты на рынках Константинополя окроплять идоложертвенной кровью. Тогда для предохранения христиан от осквернения святой великомученик Феодор явился во сне архиепископу Евдоксию и повелел объявить, чтобы никто не покупал ничего на рынках, а для питания варили коливо – пшеницу с медом (кутию). В память об этом в пятницу первой седмицы Великого поста, после заамвонной молитвы Преждеосвященной Литургии, читается канон святому великомученику Феодору Тирону (творение преподобного Иоанна Дамаскина), а затем благословляется коливо и раздается верующим.